



Publicaziuns dalla vischnaunca, jamna 3

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2009-1067

Caminada Gonda SA, Via Gonda 12, 7180 Disentis/Mustér; construcziun d'in sottetg, parcella 739, Via Gonda 12, 7180 Disentis/Mustér.

Quella lubientscha sa vegnir contestada enteifer 30 dis dapi la publicaziun el Fegl ufficial dalla Surselva tier la Dertgira administrativa dil cantun Grischun.

Disentis/Mustér, ils 18-1-2010
Uffeci da baghegiar Disentis/Mustér

Via Pintga – via privata da quartier *Introducziun dalla procedura da perimeter*

Sin fundament dils conclus dil cussegl da vischnaunca ha la suprastanza communal a basa d'art. 21 dalla lescha davart l'avertura pil traffic decidiu d'introducir la procedura da perimeter. El rom da quella procedura publichescha la suprastanza communal suandonts documents:

- Territori da perimeter cumpigliau (plan da situaziun)
- La classificaziun dalla via (tenor conclus dil cussegl da vischnaunca)
- La part dils cuosts ch'ei da purtar entras la vischnaunca (tenor messadi al cussegl da vischnaunca)
- La part dils cuosts ch'ei da purtar entras las personas privatas (tenor messadi al cussegl da vischnaunca)

Ils acts ein exponi per investa en casa communal (stanza nr. 10) duront las uras da biro.

Encunter il conclus davart l'introducziun dalla procedura da perimeter, la classificaziun dalla via e la repartiziun dils cuosts sa vegnir protestau enteifer 20 dis dapi la publicaziun alla suprastanza communal. La protesta ei da motivar a scret.

Suprastanza communal

Vischnaunca Disentis/Mustér Exposiziun da cooperaziun publica dil plan d'areal Acla da Fontauna cun regroupament da terren e purificaziun da cunfins e servituds *Approbaziun entras la suprastanza communal*

En applicaziun digl art. 48, al. 2 e 4 dalla lescha davart la planisaziun dil territori (KRG/LPT) ed art. 13 dalla ordinaziun davart la planisaziun dil territori (KRVO/OPT) ha liug l'exposiziun da recuors pertuccont il plan d'areal Acla da Fontauna en cumbinaziun cun la procedura davart il regroupament da terren e la purificaziun da cunfins e servituds, ch'ei vegnida approbada ils 19 da schaner 2010 dalla suprastanza communal.

Object dalla planisaziun d'areal: Acla da Fontauna

Documents da publicaziun dalla planisaziun d'areal:

- Plan d'areal 1:1000
- Prescripziuns dil plan d'areal Acla da Fontauna
- Plan da vias, situaziun 1:500



- Profils normals 1:50
- Novas lingias da provediment 1:500
- Rapport da planisaziun e cooperaziun
- Regruppament da terren e purificaziun da cunfins
- Purificaziun dallas servituds

Temps da publicaziun: 30 dis (naven dils 22 da sciame 2010 entochen ils 20 da fevrer 2010)

Liug e temps da publicaziun: Administraziun communal Disentis/Mustér durant las uras da spurtegl, tel. 081 920 36 36

Midadas suenter la publicaziun officiala: doc. nr. 09.041-11: clav da repartiziun per la cuvrada fina (augment dalla quota communal) doc. nr. 09.041-12: clav da repartiziun pil manteniment dalla via e pil survetsch d'unviern (augment dalla quota communal)

Recuors plan d'areal: Persunas che han in agen interess, digns da vegnir protegius, ni ch'ei legitimidads leutier tenor dretg federal san inoltrar alla Regenza grischuna enteifer 30 dis dapi il datum da publicaziun a scret in recuors.

Disentis/Mustér, ils 19-1-2010
Suprastonza communal Disentis/Mustér

Controlla da habitonts

Naschienscha

Strupler, Simon, naschius ils 11 da schaner 2010, fegl da Strupler, Susanne e Fernandes Marques, Sérgio.

Pumpiers Sursassiala

Reglaments da menaschi e salarisaziun

Preziai pumpiers,

gia in onn ei la corporaziun Pumpiers Sursassiala en funcziun. La collaboraziun ei vegnida intensivada ed als exerchezis e seracass digl onn 2009 eis ei vegniu lucra fetg bein ensemen. Ils reglaments da menaschi e da salarisaziun han stuiu vegnir adattai suenter in onn. Ins ha fatg pintgas midadas suenter in onn d'esperienza. Quei pertucca era il reglement da salarisaziun e da castitgs. Per informaziun sa mintgin retrer ils reglaments giud la pagina d'internet sut: www.pumpiers-sursassiala.ch. Secapescha san ins era retrer ils reglaments directamein dil cumandant Gion Tenner. Plinavon dattan era las administraziuns communalas bugen a Vus quels reglaments sin damonda.

Per Vies zun grond engaschi engrazia la suprastonza dils Pumpiers Sursassiala a Vus grondamein. Sperond sin in onn 2010 cun paucs seracass ed ina buna cuntinuaziun dalla collaboraziun per nossa segirtad cumineivla.

Suprastonza Pumpiers Sursassiala

Corporaziun d'aua Cavardiras/Pardomat/Madernal Radunonza extraordinaria

Mardis, ils 26 da schaner 2010 allas 20.15 uras ell'ustria Pign Padua a Cavardiras.

A stedia participaziun envida
la suprastonza



La Scola da musica Surselva presenta: High-School-Musical

Claustra Mustér, sala Peter Kaiser

sonda, ils 23 da schaner 2010 allas 20.00
dumengia, ils 24 da schaner 2010 allas 17.00
sonda, ils 30 da schaner 2010 allas 20.00
dumengia, ils 31 da schaner 2010 allas 17.00

Falera, la fermata

dumengia, ils 7 da fevrer 2010 allas 16.00
dumengia, ils 7 da fevrer 2010 allas 20.00

prevendita www.klicket.net

Die Musikschule Surselva präsentiert: High-School-Musical

Kloster Disentis im Peter-Kaiser-Saal

Samstag, 23. Januar 2010, um 20.00 Uhr
Sonntag, 24. Januar 2010, um 17.00 Uhr
Samstag, 30. Januar 2010, um 20.00 Uhr
Sonntag, 31. Januar 2010, um 17.00 Uhr

Falera, la fermata

Sonntag, 7. Februar 2010, um 16.00 Uhr
Sonntag, 7. Februar 2010, um 20.00 Uhr

Vorverkauf www.klicket.net

Ökumenischer Gottesdienst zur «Gebetswoche Einheit der Christen»

Der ökumenische Gottesdienst zur «Gebetswoche für die Einheit der Christen» findet am **Samstag, 23. Januar 2010** um 19 Uhr in der kath. Pfarrkirche S. Gions in Disentis statt.

Der Gottesdienst wird geleitet von Sur Alexi Manetsch und Pfr. Roland Just.

Cussegl pastoral

Cerchel social caritativ Mustér

Nossa proxima sentupada egl onn niev ei **gievgia, ils 28 da schaner 2010** allas 14.00 el hotel Furca.

Envidai ein tuttas senioras e tuts seniors e tut tgi che ha plascher da star en cumpignia tier in scart troccas ni in jass.

Pro Senectute Surselva: Niev! Sault a Sumvitg – Neu! Tanzveranstaltung in Sumvitg

Siehe/mira sut Sumvitg.



Apparats d'udida

Gliendisdis, ils 25 da schaner 2010 denter las 14.00 e las 16.00 uras saveis Vus schar schubergiar e regular Vies apparat d'udida en Casa da tgira Sursassiala. Signur Arthur Jacomet fa quei survetsch per tuts interessents gratuitamein.

Liug: Casa da tgira Sursassiala, stiva da schiember.

Cordiala invitaziun
Casa da tgira Sursassiala

Uniun da dunnas Mustér Mummas cun affons pigns *Suentermiezdi da scursalar a Sax*

Mesjamna, ils 3 da fevrer 2010 ein tuttas mummas cun affons pigns ed era ils affons cun fargliuns envidai a vegnir a scursalar. Nus s'entupein allas 14.00 uras avon l'ustria Sax.

Annunzias pren Karin Albrecht sut tel. 081 947 43 71 bugen encunter entochen igl **1. da fevrer 2010**.

Sin Vossa participaziun selegran
mummas cun affons pigns Mustér

Secziun da catschadurs Péz Alpetta Mustér *Radunonza generala*

Venderdis, ils 29 da schaner 2010 allas 20.15 uras el hotel Sax. Tractandas:

1. Beinvegni ed appel
2. Elecziun da dus dumbravuschs
3. Approbaziun dalla gliesta da tractandas
4. Prelecziun ed approbaziun dil protocol
5. Rapport dil president, actuar e cau da material
6. Rendaquen dil cassier (incl. Menaschi center da tir a Sars sut), rapport dils revisurs ed approbaziun dil quen annual
7. Fixaziun dil regulativ da taxas e da contribuziuns
8. Elecziuns da commembers da suprastonza ed ulteriurs funcziunaris (president, cassier, cau da tgira, caus starlieras, 1 revisur, webmaster)
9. Elecziuns dils delegai allas radunonzas regiunalas e cantunalas
10. Rapport dallas cumissiuns
11. Orientaziun ed approbaziun dil program da lavur
12. Honoraziuns
13. Recepziun da commembers novs ed abdicaziuns
14. Varia

Cordiala invitaziun
en num dalla suprastonza, il president: Clemens Berther



Uniun Ludoteca Mustér
12. radunonza generala

Venderdis, ils 5 da fevrer 2010 allas 20.15 el local dalla ludoteca. Tractandas:

- Beinvegni
1. Elecziun d'ina dumbravuschs
 2. Protocol dalla 11. radunonza generala dils 12-6-2009
 3. Rapport dalla presidenta
 4. a) Rapport dalla cassiera
b) Rapport dallas revisuras
 5. Elecziuns: presidenta, revisuras
 6. Program da lavur
 7. Varia

Tuttas famiglias e persunas che possedan in abbonament dalla Ludoteca Mustér ein automaticamein era commembers dall'uniun ed entras quei envidai alla radunonza generala. Ei vegn tarmess neginas invitaziuns.

In cordial beinvegni
La suprastonza dalla Ludoteca Mustér

Ludoteca Mustér
Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Vies team dalla ludoteca

Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprést ellas en biblioteca populara.

La biblioteca ei aviarta:

Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér